

寶坻縣志不脩者七十
餘年矣吾鄉洪君以
名進士宰斯邑咨詢
掌故惟溯軼是實蒐
討綜覈因前志而筆

寶坻縣志

汪序

尚之緯以己素正其
為課補其踈漏義例
詳整釐然有條書成
使來徼序予惟郡國
有志乘上之朝則以供

作史之採擇藏之官
則以備送政之師資周
官小史掌邦國之志外
史掌四方之志鄭司
農謂邦國之志春秋

傳所謂鄭志國語所
謂周書鄭康成謂四
方之志若魯之春秋晉
之乘是也蓋先王經
理天下物土之宜而布

其利達其志而通至
行其事至纖至志出
均掌地政土祖掌地
國誦訓掌道才志係
章茂以生土辨九物

寶坻縣志

汪序

三

之地風俗之美惡則大
師火行人志之居口之
登耗則閭師閭胥志
之民之有德行道藝
者族師黨正之屬志之

計其時蓋各為一書月
要歲會以統於小史外
史其貯之在則謂之
寶書三代之盛道德一
而風教齊其是蓋由於

此後世幅負遠濶風氣
異宜激於書者先函西
漢計書先上太史令
其副白丞亦東漢郡
國志上於蘭臺至學

士大夫所纂緝若闕
中之祀華陽之志襄
陽之傳三輔九域十道
之圖以及一才一邑之事
列於經籍藝文之目

者前及後相因體或殊
別要惟姑曼新而為此
也畫封圻審沿革條
物產察民風表賢良
摭故實可以語可以道

古可以酌今昔之宜可
以籌教養之實守土
之良將以資去去臬馬
夫昏夜有求於閭室之
中非燭則何見即廢於

山楸非虞則何以從禽
若盡百里千里之域而
司牧之而唯以吏為師
則所管不過刀筆筮
筮之末而已矣泯君之

汲於此豈惟以著述
為能事取以度越芳
人其勤於官守而有
見於三代盛時化茂成
俗之由也蓋良吏之所

規畫遠矣君為政敏
而達省府褒其治行
薦擢磁州牧瀕行
適後後乃去其用心
如此故不為而為之

序

乾隆十年歲在乙丑

秋九月阮望

賜進士出身光祿大夫

內廷供奉

寶坻縣志



汪序

八

經筵講官刑部尚書

書教習庶吉士新

安汪由教撰



志一統者博而宜精志一邑者約而宜備
雖大小不一而傳信則均夫其貴乎傳信
者豈徒矜雅贍廣見聞供文人學士之脩
誦習傳云余哉將使山川城廓廬舍井疆
先摺之典型民生之休戚披圖展卷燦若
列眉而涖茲土者興利除弊善似維風於

寶坻縣志

蔣序

此序攸賴也寶坻洪令以新脩邑志問序
於余按坻邑瀕滄海引漕河延袤二百餘
里於

京師為股肱邑我

朝

列聖涵濡之澤既厚且深加以我

皇上湛恩汪濊休養生息其士民共被日月之
光而沾雨露之潤治化蒸蒸日上蔚乎可
觀臨斯土者表彰盛美釐舊志而新之此
其時也坻舊有莊志唐志復有杜志自杜
志行而舊志廢一時稱為善矣然亦尚有
未能詳核之憾今觀新志之脩博採羣書

寶坻縣志

蔣序

二

細加校訂自天文星野以及一名一物莫
不搜羅考據鑿々可憑擬諸舊志更為完
善此即成於經生之手已為可傳況其出
於簿書鞅掌之餘者哉且夫地以志傳亦
以人傳有卓茂而人知塞有魯恭而人知
中牟唐宋以來不可枚舉

奉朝稼書先生為循吏第一平湖著作班
在人耳目無他惠愛之意與之俱傳耳洪
令以名進士治坻悅安強教綽有循聲生
心乎坻也有年矣心乎坻而不能已於詞
因有志以實之然則是書也殆即興利除
弊善俗維風之所寄而余承乏京尹得以

寶坻縣志

蔣序

三

揚權而稱道之尤願後來者之相與覽其
籍固其治也於是乎書

乾隆十年歲次乙丑孟冬朔

順天府府尹陽湖蔣炳序



序
郡邑之志為信史權輿所以
表經緯規風俗昭人紀明
勸德也言之無文為紳者
不道而不詳不要於志益
無取焉蓋志特史之一體而

志一邑即信一邑之事於千
百年僅謂修輯為故事宜
無侈前人豈有識者之用心
哉寶坻地濱直沽饒魚鹽
之利戶口田賦生息繁多前
明二百餘年此邦文獻之盛

表風俗之隆替以至末造妖
氛兵燹之罹忠義我節烈出
焉皆紀載所不可闕者况
畿輔之東此為重地我
國家定鼎以來親貴之湯沐禁
旅之芻茭多賦自茲去其因

時布化增損期修體國經野
之規分見於一邑者令典具在
既當敬誌以昭茲來許又際
列朝諭修明史除拘忌之習邑中
有殉難而得死所者已闡其
幽光乃前志既備及弗深考

此洪君肇楸所以奮然為已
任也洪君在寶五載相其地
沮洳易潦為豫戒田事飭陂
堰築荒政民無棄業先是旗
民剛畝牙錯獄訟滋興洪君
為持平釐畫用輯且和攷其

他政皆能無曠無擾以利實
人曰以公隙攬舊志所紀述病
其舛畧博蒐史集廣積見聞
而新以己意自呈野至藝文類
分義別增補闕佚一準於理以
期於信俾後事者徵文獻按

土風而蓋興於政教是洪君之志也洪君以上考牧磁州於去寶之日猶以數十日功力成是書余嘉其意為書此以弁諸簡端

乾隆十年歲次乙丑秋九月

寶坻縣志

方序

四

既望

通奉大夫直隸布政使司布政使桐城方觀承撰



重備寶坻縣志序

漁陽郡屬之有泉州舊矣
紉於漢沿於晉魏曰泉州者
水徑注以為歷水泉八十里
取泉流既清之義也北魏省
入雍奴而縣遂廢迄五代干

戈之際置蘆臺軍設權鹽
院隱然為濱海重鎮至金
大定間復建為縣命之曰
寶坻意者稼穡惟寶如坻
以京耶不然所寶惟鹽抑
末矣元明以來相沿不改我

朝龍興定鼎燕京形勝有
金湯之險膏腴號陸海之
饒寶坻一邑實為京東雄
望翼乎百城表也百年
以來
恩德涵濡旬服尤為密迩

既潤澤之又祀布護之於
是名公卿相望朝端衣冠
禮讓流為美俗井里殷賑
戶口蕃滋玉版藉凌雜而
不能校雍正九年慮天下
割邑之難治也